

摛藻堂四庫全書薈要

集部

欽定四庫全書會要

集部

欽定全唐詩卷十一
四

詳校官候補通奇經歷臣郭祚熾



欽定四庫全書薈要卷一萬七千四百十六集部

御定全唐詩卷十一

郊廟歌辭

五郊樂章

唐書樂志曰祀五方上帝五郊樂祀黃帝降神奏宮音皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其太和壽和凱安豫和四章辭同圜丘祀青帝降神奏角音祀赤帝降神奏徵音祀白帝降神奏商音祀黑帝降神奏羽音餘同黃帝竝貞觀中魏徵等作

黃帝宮音



黃中正位含章居貞既長六律兼和五聲畢陳萬舞乃
薦斯牲神其下降永祚休平

肅和

眇眇方輿蒼蒼圜蓋至哉樞紐宅中圖大氣調四序風
和萬籟祚我明德時雍道泰

雍和

金縣夕肆玉俎朝陳饗薦黃道芬流紫宸迺誠迺敬載
享載禋崇薦斯在惟皇是賓

舒和

御徵乘宮出郊甸安歌率舞逋將迎自有雲門符帝賞
猶持雷鼓答天成

青帝角音

鶴雲旦起鳥星昏集律候新風陽開初蟄至德可饗行
潦斯挹錫以無疆蒸人乃粒

肅和

玄鳥司春蒼龍登歲節物變柳光風轉蕙瑤席降神朱

弦饗帝誠備祝融禮殫珪幣

雍和

大樂稀音至誠簡禮文物棣棣聲明濟濟六變有成三
登無體乃眷豐潔恩覃愷悌

舒和

笙歌籥舞屬年韶鶩鼓鳧鐘展時豫調露初迎綺春節
承雲遽踐蒼霄馭

赤帝徵音

青陽告謝未明戒序延長是祈敬陳椒醕博碩斯薦笙
鏞備舉庶盡肅恭非馨稷黍

肅和

離位克明火中宵見峰雲暮起景風晨扇木槿初榮含
桃可薦芬馥百品鏗鏘三變

雍和

昭昭丹陸奕奕炎方禮陳杜幣樂備篚簧瓊羞溢俎玉
醕浮觴恭惟正直歆此馨香

舒和

千里溫風飄絳羽十枝炎景騰朱干陳觴薦俎歌三獻
拊石擬金會七盤

白帝商音

白藏應節天高氣清歲功既阜庶類收成萬方靜謐九
土和平馨香是薦受祚聰明

肅和

金行在節素靈居正氣肅霜嚴林彫草勁豺祭隼擊潦

汝川鏡九穀已登萬箱流詠

雍和

律應西成氣躔南呂珪幣咸列笙竽備舉苾苾蘭羞芬
芬桂醕式資宴貺用調霜序

舒和

璿儀氣爽驚緹籥玉呂灰飛含素商鳴鞀奏管芳羞薦
會舞安歌葆眊揚

黑帝羽音

嚴冬季月星迴風厲享祀報功方祚來歲

肅和

律回

一作
周

玉琯星周

一作
回

金度次極陽烏紀窮陰鬼火

林霰雪陽泉凝五八蜡已登三農息務

雍和

陽月斯紀應鍾在候載潔牲綏爰登俎豆既高既遠無
聲無臭靜言格思惟神保祐

舒和

執籥持羽初終曲朱干玉鉞始分行七德九功咸已暢
明靈降福具穰穰

五郊樂章

唐書樂志曰大樂舊有五郊
迎送神辭十章不詳所起

黃郊迎神

朱明季序黃郊王辰厚以載物甘以養人毓金為體稟
火成身宮音式奏奏以迎神

送神

春末冬暮徂夏杪秋土王四月
一作季時季一周黍稷已

享籩豆宜收送神有樂神其賜休

青郊迎神

緹幕移候青郊啟蟄淑景遲遲和風習習璧玉宵備旌
旄曙立張樂以迎帝神其入

送神

文物流彩聲明動色人竭其恭靈昭其飭歆薦不已垂
禎無極送禮有章惟神還軾

赤郊迎神

青陽節謝朱明候改靡草彫華

一作花

含桃流彩虞列鐘

磬筵陳脯醢樂以迎神神其如在

送神

炎精式降蒼生攸仰羞列豆籩酒陳犧象昭祀有應冥
期一作儀不爽送樂張音惟靈之往

白郊迎神

序移玉律節應金商天嚴殺氣吹噉秋方禋燎既積稷
奠並芳樂以迎奏庶降神光

送神

祀遵五禮時屬三秋人懷肅敬靈降禎休奠歆旨酒薦
享珍羞載張送樂神其上遊

黑郊迎神

玄英戒序黑郊臨候掌禮陳彝司筵執豆寒氛斂色
泓泉凝漏樂以迎神八音斯奏

送神

北郊時冽南陸輝處奠本虔誠獻彌恭慮上延祉福下

承歡豫廣樂送神神其整馭

朝日樂章

唐書樂志曰貞觀中朝日樂降神用豫和皇帝行用太和登歌奠玉帛用

肅和迎俎用雍和酌獻飲福奏壽和送文舞出迎武舞入用舒和武舞用凱安送神用豫和其豫和太和壽和凱安五章辭同冬至圜丘

肅和

惟聖格天惟明饗日帝郊肆類王宮戒吉珪奠春舒鐘歌曉溢禮云克備斯文有秩

雍和

晨儀式薦明祀惟光神物爰止靈暉載揚玄端肅事紫
幄興祥福履攸假於昭允王

舒和

崇牙樹羽延調露旋宮扣律掩承雲誕敷懿德昭神武
載集豐功表睿文

朝日樂章

唐書樂志曰大樂舊有朝日
迎送神辭二章不詳所起

迎神

太陽朝序王宮有儀蟠桃彩駕細柳光馳軒祥表合漢

歷彰竒禮和樂備神其降斯

送神

五齊魚酌百羞具陳樂終廣奏禮畢崇禋明鑑萬寓照
臨兆人永流洪慶式動曦輪

夕月樂章

唐書樂志曰貞觀中夕月樂降神用豫和皇帝行用太和登歌奠玉帛用

肅和迎祖用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章辭同冬至闋丘

肅和

卷十一
測妙為神通微曰聖坎祀貽則郊禋展敬璧薦登光金
歌動映以載嘉德以流曾慶

雍和

肅晨爭舉天宗禮闕夜典涼秋陰明湛夕有濟斯旨有
牲斯碩穆穆其暉穰穰是積

舒和

合吹八風金奏動分容萬舞玉鞘驚詞昭茂典光前列
夕曜乘功表盛明

祀九宮貴神樂章

唐天寶中祀九宮貴神樂降神用豫和六變皇帝行用太

和登歌用肅和迎俎用雍和酌獻用壽和飲福酒用福和退文舞迎武舞用舒和亞獻終獻用

凱安登歌撤豆用肅和送神用豫和

豫和

於昭上穹臨下有光羽翼五佐周流八荒誰其饗之時
文對敷虞經夏典茲禮未遑

黑帝旋馭青躔導日金籙上玄玉堂初吉鉤陳夕次鑿
和先蹕藹藹羣靈昭昭成秩

帝臨中壇受釐元神皇靈萃止羽旄肅陳攝提運衡招
搖移輪光光宇宙電耀雷震

夜如何其明星煌煌天清容衛露結壇場樹羽幢幢佩
玉鏘鏘凝精駐目瞻望神光

九位既肅萬靈畢會天門啟扃日馭飛蓋煥兮琴籬儂
兮暗靄如山之福惟聖時對

崇崇泰壇靈具臨兮鏗鏘大樂振動心兮神之降矣卿
雲郁兮神之至止清風肅兮

太和

帝在靈壇大明登光天回雲粹穆穆皇皇金奏九夏圭
陳八薌曠哉動植如熙春陽

肅和

歌工既奏神位既秩天符象星運行太一聲和十管氣
應中律肅肅明廷介茲元吉

雍和

俎豆有踐黃流在尊九宮之祀三代莫存樂變六宮壇

開八門聖皇昭對祐我黎元

壽和

時文哲后肅事嚴禋馨我明德享於

一作我

貴神大庖載

盈旨酒斯醇精意所屬期於利人

福和

祀既云畢明靈告旋禮洽和應神歆福延

一作至神

福動植

咸若陰陽不愆錫茲純嘏天子萬年

舒和

羽籥既闋干戚陳八音克諧六變新愉貴神兮般以樂
保皇祚兮萬斯春

凱安

盛德陳萬舞威稜暢九垓風雲交律候日月麗昭回行
慶休祥發乘和春氣來百神肅臨享蕩蕩天門開

肅和

精意嚴恭明祠

一作祀

豐潔獻酬既備俎豆斯撤日麗天

儀風和樂節事光祀典福覃有截

豫和

享申百禮慶洽百靈上排閭闔洞入杳冥奠玉高壇燔
柴廣庭神之降福萬國咸寧

祀風師樂章

包佶
撰辭

迎神

太皞御氣句芒肇功蒼龍青旗爰候祥風律以和應神
以感通鼎俎修饗時惟禮崇

奠幣登歌

旨酒告絜青蘋應候禮陳瑤幣樂獻金奏彈弦自昔解
凍惟舊仰瞻肝蠻羣祥來湊

迎俎酌獻

德盛昭臨迎拜異方爰候發生式薦馨香酌醴具舉工
歌載揚神歆六律恩降百祥

亞獻終獻

膾薌備玉帛陳風動物樂感神三獻終百神臻草木榮
天下春

送神

微穆敷華能應節飄揚發彩宜行慶送迎靈駕神心享
跪拜靈壇禮容盛氣和草木發萌芽德暢禽魚遂翔泳
永望翠蓋逐流雲自茲率土調春令

祀雨師樂章

包佶
撰辭

迎神

陟降左右誠達幽圜

一作
立

作解之功樂惟有年雲軒戾

止灑霧飄煙惟馨展禮爰列豆籩

奠幣登歌

歲正朱明禮布元

一作玄

制惟樂能感與神合契陰霧離

披靈馭搖裔膏澤之慶期於稔歲

迎俎酌獻

陽開幽蛰躬奉鬱鬯禮備節應震來靈降動植求聲飛
沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功乘煙燎

儼從風

送神

整駕昇車望寥廓垂陰薦祉蕩昏氛饗時靈
貺俊如在樂罷餘聲遙可聞飲福陳誠禮容備
撤俎終獻曙光分跪拜臨壇結空想年年應節
候油雲

御定全唐詩卷十一

欽定四庫全書薈要卷一萬七千四百七十七集部

御定全唐詩卷十二

郊廟歌辭

祭方丘樂章

唐書樂志曰貞觀中夏至祭皇地祇於方丘迎神用順和皇帝行用

太和登歌莫玉帛用肅和迎俎用雍和酌獻飲福用壽和送文舞出迎武舞入用舒和武舞用凱安其大和壽和凱安三章詞同冬至圜丘並褚亮等作

順和

萬方資以化交泰屬昇平易從業惟簡得一道斯寧

具儀光玉帛送舞變咸英黍稷良非貴明德信惟馨

肅和

至矣坤德皇哉地祇開元統紐合大承規九宮肅列六
典相儀永言配命長保無虧

雍和

柔而能方直而能敬厚載以德大亨以正有滌斯牲一作
牲有馨斯盛介茲景福祚我休慶

舒和

玉幣牲牲分薦享羽旄干鉞漐成容一德惟寧兩儀泰
三才保合四時邕

順和

陰祇協贊厚載方貞牲幣具舉簫管備成其禮惟肅其
德惟明神之聽矣式鑒虔誠

武后大享拜洛樂章

唐書樂志曰則天皇后永
昌元年大享拜洛樂禮設

用昭和次致和次咸和乘輿初行用九和次拜
洛受圖用顯和登歌用昭和迎俎用敬和酌獻
用欽和送文舞出迎武舞入用齊和武舞用德
和撤俎用禋和辭神用通和送神用歸和按樂

志又有歸和一章亦送神詞也並載本集逸酌獻一章

昭和

九玄眷命三聖基隆奉承先旨明臺畢功宗祀展敬冀
表深衷永昌帝業式播淳風

致和

神功不測兮運陰陽包藏萬宇兮孕八荒天符既出兮
帝業昌願臨明祀兮降禎祥

咸和

坎澤祠容備舉坤壇祭典爰申靈睭遙行祕躅嘉貺荐
委殊珍肅禮恭禋載展翹襟邈志逾殷方期交際懸應
下一
句逸

九和

祇荷坤德欽若乾靈慙惕罔寘興居匪寧恭崇禮則肅
奉儀形惟憑展敬敢薦非馨

顯和
拜洛

菲躬承睿顧薄德忝坤儀乾乾遵後命翼翼奉先規撫

俗勤雖切還淳化尚虧未能弘至道何以契明祇

顯和受圖

顧德有懃虛菲明祇屢降禎符汜水初呈祕象溫洛薦
表昌圖玄澤流恩載洽丹襟荷渥增愉

昭和

舒陰致養合大資生德以恒固功由永貞升歌薦序垂
幣翹誠虹開玉照鳳引金聲

敬和

蘭俎既昇蘋羞可薦金石載設咸英已變林澤斯總山
川是遍敢用敷誠實惟忘倦

齊和

沈潛演眎分三極廣大凝禎總萬方既薦羽旌文化啟
還呈干鍼武威揚

德和

夕惕司龍契晨兢當鳳宸崇儒習舊規偃伯循先旨絕
壤飛冠蓋遐區麗山水幸承三聖餘忻屬千年始

禋和

百禮崇容千官肅事靈降無兆神凝有粹奠享咸周威
儀畢備奏夏登列歌雍徹肆

通和

皇皇靈睠穆穆神心暫動凝質還歸積陰功玄樞組理
寂高深銜恩佩德聳志翹襟

歸和

言旋雲洞兮躡煙途永寧中宇兮安下都包涵動植兮

順榮枯長貽

一作徵

寶貺兮贊璇圖

又歸和

調雲閣兮神座興
駢雲駕兮儼將昇
騰絳霄兮垂景祐
翹丹懇兮荷休徵

祭方丘樂章

唐書樂志曰睿宗大極元年祭皇地祇於方丘迎神用順和八變加

金奏皇帝行用太和登歌奠玉帛用肅和迎組
及酌獻用雍和送文舞出迎武舞入用舒和武
舞用凱安送神用順和太和凱安詞同貞觀冬
至園丘肅和雍和辭同貞觀太和舒和詞同皇

帝朝
羣臣

順和

坤厚載物德柔垂祉九域咸雍四溟為紀敬因良節虔
修陰祀廣樂式張靈其降止

金奏

坤元至德品物資生神凝博厚道協高明列鎮五嶽環
流四瀛于何不載萬寶斯成

順和

樂備金石禮光尊俎大享爰終洪休是舉雨零感節雲

飛應序纓紱載辭皇靈具舉

祭汾陰樂章

唐書樂志曰明皇開元十一年祭皇地祇於汾陰迎神用順和八變

皇帝行用太和登歌奠玉用肅和迎俎用雍和酌獻飲福用壽和送文舞出迎武舞入用舒和

武舞用凱安送神用順和

順和

林鍾宮黃門侍郎韓思復作

大樂和暢殷薦明神一降通感八變必臻有求斯應無德不親降靈醉止休徵萬人

太簇角

中書侍郎盧從愿作

坤元載物陽樂發生播植資始品彙咸亨列俎棋布方
壇砥平神歆禋祀后德惟明

姑洗徵

司勳郎中
劉晃作

大君出震有事郊禋齋戒既肅馨香畢陳樂和禮備候
暖風春恭惟降福實賴明神

南呂羽

禮部侍郎
韓休作

於穆濬哲維清緝熙肅事昭配永言孝思滌濯靜嘉馨
香在茲神之聽之用受福釐

太和 吏部尚書
王峻作

於穆聖皇六葉重光
太原刻頌后土
疏場寶鼎呈符
歆雲孕祥禮樂備矣
降福穰穰

肅和 刑部侍郎
崔玄童作

聿修嚴配展事禋宗
祥符寶鼎禮備黃琮
祀詞以信明德惟聰
介茲景福永永無窮

雍和 徐州刺史
賈曾作

鑷我餼饗絜我膾薌
有豆孔碩為羞既臧
至誠無味精

意惟芳神其醉止欣欣樂康

壽和

禮部尚書
蘇頌作

禮物斯具

一作
倫

樂章乃陳誰其作主皇考聖真對越在

天聖明佐神宵然汾上厚澤如春

舒和

太常少卿
何鸞作

樂奏云闕禮章載虔禋宗於地昭假於天惟馨薦矣既
醉歆焉神之降福永永萬年

凱安

主爵郎中
蔣挺作

維歲之吉維辰之良聖君紱冕肅事壇場大禮已備大
樂斯章神其醉止降福無疆

順和

尚書右丞
源光裕作

方丘既膳嘉饗載謚齊敬畢誠陶匏貴質秀畢

一作
曲豆

薦芳

一作
芬

俎盈寶永永福流其昇如日

禪社首樂章

唐書樂志曰明皇開元十三年禪社首山祭地祇樂迎神用順和皇

帝行用太和登歌奠玉帛用肅和迎俎入用雍和初獻用壽和飲福用福和還宮用太和送神用靈具醉以代順和前七章大常少卿賀知重撰後送神一章侍中源乾曜撰

順和

至哉含柔德萬物資以生常順稱厚載流謙通變盈聖
心事能察增廣陳厥誠黃祇儉如在泰折俟咸亨

太和

肅我成命於昭黃祇表冕而祀陟降在斯五音克備八
變聿施緝熙肆靖厥心匪離

肅和

黃祇是祇我其夙夜寅畏誠絜匪遑寧舍禮以琮玉薦

厥茅藉念茲降康胡寧克暇

雍和

夙夜宥密不敢寧宴五齊既陳八音在縣絜盛以潔房
俎斯薦惟德惟馨尚茲克徧

壽和

惟以明發有懷載殷樂盈而反禮順其禋立清以獻薦
欲是親於穆不已裒對斯臻

福和

穆穆天子告成岱宗大表如濡執珽有顯樂以平志禮
以和容上帝臨我云胡肅邕

太和

昭昭有唐天俾萬國列祖應命四宗順則申錫無疆宗
我同德曾孫繼序享神配極

靈具醉

靈具醉杳熙熙靈將往眇禋禋顧明德吐正辭爛遺光
流禎祺

祭神州樂章

唐書樂志曰貞觀中祭神州於北郊迎神用順和皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送

神用順和順和詞同夏至方丘太和壽和凱安詞同冬至圜丘並褚亮等作

肅和

大矣坤儀至哉神縣包含日域牢籠月竈露絜三清風
調六變皇祇介祉式歆恭薦

雍和

泰折嚴享陰郊展敬禮以遵神樂以和性黜牲在列黃

琮俯暎九土既平萬邦貽一作遺慶

舒和

坤道降祥和庶品靈心載德厚羣生水土既調三極泰
文武畢備九區平

祭神州樂章

唐書樂志曰大樂舊有祭神州迎送神詞三章不詳所起

迎神

黃輿厚載赤寰歸德含育九區保安萬國誠敬無怠禋
祀有則樂以迎神其儀不忒

送神

神州陰祀洪恩廣濟草樹霑和飛沈沐惠禮修鼎俎奠
歆瑤幣送樂有章靈軒其逝

祭大社樂章

唐書樂志曰貞觀中祭大社樂迎神用順和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用順和順和詞同夏至方丘太和壽和凱安詞同冬至圜丘並褚亮等作

肅和

后土凝德神功協契九域底平兩儀交際戊期應序陰

墉展幣靈車少留俯歆樽桂

雍和

美報崇本嚴恭展事受露踈壇承風啟地絜粢登俎醇
犧入饋介福遠流羣生畢遂

舒和

神道發生敷九稼陰極乘仁暢八埏緯武經文隆景化
登祥薦祉啟豐年

祭大社樂章

唐書樂志曰大樂舊有太社
迎送神詞二章不詳所起

迎神

烈山有子后土有臣播種百穀濟育兆人春官緝禮宗伯司禋戊爲吉日迎享茲辰

送神

吉祥式就酬功載畢親地尊天禮文經術貺徵令序福流初日神馭爰歸祠官其出

蜡百神樂章

唐書樂志曰貞觀中蜡百神樂降神用豫和皇帝行用太和登歌奠

玉帛用肅和迎俎用雍和酌獻飲福用奇和送文舞出迎武舞入用舒和武舞用凱安送神用

豫和其豫和太和壽和凱
安五章詞同冬至園丘

肅和

序迫歲陰日躔星紀爰稽茂典聿崇清祀綺幣霞舒瑞

珪虹起百禩

一作禮
一作靈

垂裕萬靈薦

一作
方受祉

雍和

緹籥勁序玄英晚候姬蜡開儀幽歌入奏蕙馥雕俎蘭
芬玉酎大亨明祇永綏多祐

舒和

經緯兩儀文化洽削平方域武功成瑤弦自樂乾坤泰

玉鍼長歡

一作歌

區宇寧

蜡百神樂章

唐書樂志曰太樂舊有蜡百神迎送神詞二章不詳所起

迎神

此詞廢不用

八蜡開祭萬物合祀上極天維下窮坤紀鼎俎流芬一作
馥馥樽彛薦美有靈有祇咸希來止

送神

此詞後尚行用

十旬歡洽一日祠

一作祀

終澄彛拂俎報德酬功慮虔容

肅禮縟儀豐神其降祉整馭隨風

享先農樂章

唐書樂志曰貞觀中享先農樂迎神用咸和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用咸和其太和壽和凱安詞同冬至圜丘並褚亮等作

咸和

粒食伊始農之所先古今攸賴是曰人天耕斯帝籍播厥公田式崇明祀神其福焉

肅和

樽彝既列瑚簋方薦歌工載登幣禮斯奠肅肅享祀顯
顯纓弁神之聽之福流寰縣

雍和

前夕視牲質明奉俎沐芳整弁其儀式序盛禮畢陳嘉
樂備舉歆我懿德非馨稷黍

舒和

羽籥低昂文綴已干戚蹈厲武行初望歲祈農神所聽
延祥介福豈云虛

享先農樂章

唐書樂志曰太樂舊有享先農送神樂章一章不詳所起

咸和

三推禮就萬庾祈凝
夤賓志遠薦葦惟興
降歆肅薦垂祐祗膺
送神有樂神其上昇

享先蠶樂章

唐書樂志曰顯慶中皇后親蠶內出享先蠶樂章迎神用永和亦曰

頌德皇后昇壇用肅和登歌奠幣用展敬迎俎用潔誠飲福送神用昭慶

永和

芳春開令序韶苑暢和風
惟靈申廣祐利物表神功
綺

會周天宇黼黻藻寰中庶幾承慶節歆奠下帷宮

肅和

明靈光至德深功掩百神祥源應節啟福緒逐年新萬
宇承恩覆七廟佇恭禋于一作茲申至懇方期遠慶臻

展敬

霞莊列寶衛雲集動和聲金卮薦綺席玉幣委芳庭因
心罄丹款先已勵蒼生所冀延明福於茲享至誠

絜誠

桂筵開玉俎蘭圃薦瓊芳八音調鳳歷三獻奉鸞觴絜
粢申大享庭寓冀降祥神其覃有慶契福永無疆

昭慶

仙壇禮既畢神駕儼將昇佇屬深祥起方期庶績凝虔
誠資宇內務本勗黎蒸靈心昭備享率土洽休徵

釋奠文宣王樂章

唐書樂志曰皇太子親釋奠迎神用誠和亦曰宣和皇太

子行用承和登歌奠幣用肅和迎俎用雍和送
文舞出迎武舞入用舒和武舞用凱安詞同冬
至圜丘送神用誠和詞同迎神通典曰開元中
又造三和樂一曰祫和三公升降及行則奏之

二曰豐和享先農則奏之三曰
宣和祭孔宣父齊太公則奏之

誠和

聖道日用神幾

一作機

不測金石以陳弦歌載陟爰釋其

菜匪罄于稷來顧來享是宗是極

承和

萬國以貞光上嗣三善茂德表重輪視膳寢門尊要道
高闕崇賢引正人

肅和

粵惟上聖有縱自天傍周萬物俯應千年舊章允著嘉
贄孔虔王化茲首儒風是宣

雍和

堂獻瑤篚庭敷瓊縣禮備其容樂和其變肅肅親享雍
雍執奠明德惟馨蘋蘩可薦

舒和

隼集龜開昭聖烈龍蹲鳳峙肅神儀尊儒敬業宏圖闡
緯武經文盛德施

享孔子廟樂章

唐書樂志曰大樂舊有孔子廟迎送神詞二章不詳所起

迎神

通吳表聖問老探真三千弟子五百賢人億齡規法萬載嗣禋潔誠以祭奏樂迎神

送神

醴溢犧象羞陳俎豆魯壁類聞泗川如覲里校覃福胄筵承祐雅樂清音送神具奏

釋奠武成王樂章

郭茂倩樂府云唐釋奠武成王舊以文宣王樂章用之德

宗貞元中詔
于邵補造

迎神

卜畋不從兆發非熊乃傾荒政爰佐一戎盛烈載垂命
祀惟崇日練上戊宿嚴闕宮迎奏嘉至感而遂通

奠幣登歌

管磬升羶薌集上公進嘉幣執信以通儉如及恢帝功
錫后邑四維張百度立綿億載邈難挹

迎俎酌獻

五齊潔九牢碩椀糜循鬯葷滌進具物揚鴻績和泰發
高靈寂虔告終繁祉錫昭秩祀永無易

亞獻終獻

貳觴以獻三變其終顧此非馨尚達斯衷茅縮可致神
歆載融始神翊周拯溺除凶時維降祐永絕興戎

送神

明祀方終備樂斯闋黜纁就瘞豆遷告撤盱嚮尚餘光
景云滅返歸虛極神心則悅

享龍池樂章

唐書樂志曰明皇龍潛時宅隆慶坊宅南坊人所居忽變為池聖氣

者異焉故中宗季年泛舟池中明皇正位以坊為宮池水逾大瀰漫數里因為龍池樂以歌其

祥新書禮樂志曰龍池樂舞者十二人冠芙蓉冠攝履備用雅樂唯無鐘磬唐逸史曰明皇在

東都晝寢夢一女子容豔異常梳交心髻大袖霓衣帝曰汝何人曰妾凌波池中龍女也衛宮

護駕妾實有功今陛下洞曉釣天之樂願賜一曲以光族類帝於夢中為鼓胡琴倚歌為凌波

池之曲龍女拜謝而去及寤畫記之命禁樂自御琵琶習而飏之因宴于凌波宮臨池奏新聲

忽池波湧起有神女出于波心乃夢中之女也望拜御坐良久乃沒因置祠池上每歲祀之會

要曰開元元年內出祭龍池樂章十六年築壇於興慶宮以仲春月祭之

第一章

紫微令
姚崇作

恭聞帝里生靈沼應報明君鼎業新
既協翠泉光寶命還符白水出真人
此時舜海潛龍躍此地堯河帶馬巡
獨有前池一小雁叨承舊惠入天津

第二章

左括遺
蔡孚作

帝宅王家大道邊神馬龍龜涌聖泉
昔日昔時經此地看來看去漸成川
歌臺舞榭宜正月柳岸梅洲勝往年
莫言波上春雲少祇為從龍直上天

第三章

太府少卿沈佺期作

龍池躍龍龍已飛龍德先天天不違池開天漢分黃道
龍向天門入紫微邸第樓臺多氣色君王鳧雁有光輝
為報寰中百川水來朝此地莫東歸

第四章

黃門侍郎盧懷慎作

代邸東南龍躍泉清漪碧浪遠浮天樓臺影就波中出
日月光疑鏡裏懸雁沼回流成舜海龜書薦祉應堯年
大川既濟慙為楫報德空思奉細涓

第五章

殿中監
姜皎作

龍池初出此龍山常經此地謁龍顏
日日芙蓉生夏水年年楊柳變春灣
堯壇寶匣餘煙霧舜海漁舟尚往還
願似飄飄五雲影從來從去九天間

第六章

吏部尚書
崔日用作

龍興白水漢興符聖主時乘運斗樞
岸上丰茸五花樹波中的鑠千金珠
操環昔聞迎夏啓發匣先來瑞有虞
風色雲光隨隱見赤雲神化象江湖

第七章

紫微侍郎
蘇頌作

西京鳳邸躍龍泉佳氣休光鎮在天軒后霧圖今已得
秦王水劍昔常傳恩魚不似昆明釣瑞鶴長如太液仙
願侍巡遊同舊里更聞簫鼓濟樓船

第八章

黃門侍郎
李文作

星分邑里四人居水洊源流萬頃餘魏國君王稱象處
晉家藩邸化龍初青蒲暫似遊梁馬綠藻還疑宴鎬魚
自有神靈滋液地年年雲物史官書

第九章

工部侍郎
姜晞作

靈沼縈迴邸第前浴日涵天

一作春

寫曙天始見龍臺昇

鳳闕應如霄漢起神泉石匱渚傍還啟聖桃李初生更有仙欲化帝圖從此受正同河變一千年

第十章

兵部郎中
裴琬作

乾坤啟聖吐龍泉泉水年年勝一年始看魚躍方成海
即睹龍飛利在天洲渚遙將銀漢接樓臺直與紫微連
休氣榮光常不散懸知此地是神仙

欽定四庫全書



御定全唐詩
卷十二

御定全唐詩卷十二

欽定四庫全書薈要卷一萬七千四百十八集部

御定全唐詩卷十三

郊廟歌辭

享太廟樂章

唐書樂志曰貞觀中享太廟樂迎神用永和九變詞同皇帝行用太

和登歌酌鬯用肅和迎俎用雍和獻皇祖宣簡
公皇祖懿王同用長發之舞景皇帝用大基之
舞元皇帝用大成之舞高祖用大明之舞皇帝
飲福用壽和送文舞出迎武舞入用舒和武舞
用凱安撤俎用雍和送神用永和其太和
凱安詞同冬至園丘並魏徵褚亮等作

永和

於穆烈祖弘此丕基永言配命子孫保之百神既洽萬國在茲是用孝享神其格思

肅和

大哉至德允茲明聖格于上下聿遵誠敬嘉樂斯登鳴球以詠神其降止式隆景命

雍和

崇茲享祀誠敬兼至樂以感靈禮以昭事粢盛咸絜牲粢孔備永言孝思庶幾不匱

長發舞

唐會要曰貞觀十四年詔用顏師古許敬宗議皇祖宣簡公懿王廟並奏

長發之舞取詩云游哲惟商長發其祥也

濬哲維唐長發其祥帝命斯祐王業克昌配天載德就日重光本支百代申錫無疆

大基舞

猗與祖業皇矣帝先翦商德厚封唐慶延在姬猶稷方晉踰宣基我鼎運於萬斯年

大成舞

周稱王季晉美帝文明明盛德穆穆齊芬藏用四履屈
道三分鏗鏘鍾石載紀鴻勳

大明舞

唐會要曰貞觀十四年詔用顏師古等議高祖廟奏大明之舞取易曰大

明終始六位時成詩有大明之篇稱文王有明德也

五紀更運三正遞升勛華既沒禹湯勃興神武命代靈
睽是膺望雲彰德察緯告徵上紐天維下安地軸徵師
涿野萬國咸服偃伯靈臺九官允穆殊域委賚懷生介
福大禮既飾大樂已和黑章擾圉赤字浮河功宣載籍

德被詠歌克昌厥後百祿是荷

壽和

八音斯奏三獻畢陳寶祚惟永暉光日新

舒和

聖敬通神光七廟靈心薦祚和萬方嚴禋克配鴻基遠
明德惟馨鳳歷昌

雍和

於穆清廟聿修嚴祀四縣載陳三獻斯止籩豆徹薦人

祇介祉神維格思錫祚不已

永和

肅肅清祀烝烝孝思薦享昭倫虔恭在茲雍歌徹俎祝嘏陳辭用光武志永固鴻基

享太廟樂章

唐書樂志曰高宗永徽已後續造享太廟樂章獻太宗用崇德之舞

高宗用鈞天之舞中宗用太和之舞睿宗用景雲之舞皇祖宣皇帝用光大之舞舊樂章宣元二宮同用長發其詞亦同開元十年始別造詞而宣帝更用光大云

崇德舞

五運改卜千齡啓聖彤雲曉聚黃星夜映葉闌珠囊基

開

後爲
闕開

玉鏡下臨萬寓上齊七政霧開三象塵清九服

海濂星暉遠安邇肅天地交泰華夷輯睦翔泳歸仁中
外禔福績踰黜夏勲高翦商武陳七德刑設三章祥禽
巢閣仁獸遊梁卜年惟永景福無疆

鈞天樂

承天撫錄纂聖登皇遐清萬寓仰協三光功成日用道
濟時康璇圖載永寶歷斯昌日月揚暉煙雲爛色河嶽

修貢神祇効職舜風攸偃堯曦先就睿感通寰孝思浹
宙奉揚先德虔遵曩狩展義天扃飛英雲岫化逸王表
神凝帝先乘雲厭俗馭日登玄

太和舞

廣樂既備嘉薦既新述先惟德孝饗惟親七獻具舉五
齊畢陳錫茲祚福於萬斯春

景雲舞

惟睿作聖惟聖登皇精感耀魄時膺會昌舜慙大孝堯

推讓王能事斯極振古誰方文明履運車書同軌巍巍
赫赫盡善盡美嚮室凝旒大庭端宸釋負之寄事光復
子脫屣高天登遐上玄龍湖超忽象野芊綿遊衣復道
薦果初年新廟奕奕明德在天

光大舞

大業龍祉徽音駿尊潛居皇德赫嗣天昆展儀宗祖重
誠孝孫春秋無極享奏存存

享太廟樂章

唐書樂志曰太樂舊有享太廟迎
神次金奏及送神辭三章不詳所

起

迎神

七廟觀德百靈攸仰俗荷財成物資含養道光執契化
籠提象肅肅雍雍神其來饗

金奏

肅肅清廟巍巍盛唐配天立極累聖重光樂和管磬禮
備烝嘗永惟來格降福無疆

送神

五聲備奏三獻終祠車移鳳輦旆轉虹旗禮周籩豆誠
效虔祇皇靈徙蹕簪紳拜辭

武后享清廟樂章十首

第一

建清廟贊玄功擇吉日展禋宗樂已變禮方崇望神駕
降仙宮

第二

隆周創業寶命惟新敬宗茂典爰表虔禋聲明已備文

物斯陳肅容如在懇志方申

第三登歌

肅敷大禮上謁尊靈敬申筐幣載表丹誠

第四迎神

敬奠蘋藻式罄虔襟潔誠斯展佇降靈歆

第五飲福

爰陳玉醴式奠瓊漿靈心有穆介福無疆

第六送文舞

帝圖草創皇業初開功高佐命業贊雲雷

第七迎武舞

赫赫玄功被穹壤皇皇至德洽生靈開基撥亂妖氛廓
佐命宣威海內清

第八武舞作

荷恩承顧託執契恭臨撫廟畧靜邊荒天兵耀神武

第九徹俎

登歌已闋獻禮方周欽承景福肅奉鴻休

第十送神

大禮言畢仙衛將歸莫申丹懇空瞻紫微

享太廟樂章

唐書樂志曰中宗神龍元年享太廟樂迎神用嚴和九變詞同皇帝

行用升和登歌裸曾用虔和迎俎用歆和光皇帝酌獻用長發景皇帝酌獻用大基元皇帝酌

獻用大成高祖酌獻用大明太宗酌獻用崇德五室舞詞並同貞觀高宗酌獻用鈞天舞詞同

光宅孝敬皇帝酌獻用承光皇帝飲福用延和送文舞出迎武舞入用同和武舞用寧和微俎

用恭和送神用通和皇后助享皇后行用正和詞同貞觀中宮朝會登歌奠曾用昭和皇后酌

獻飲福用誠敬撤俎用肅和送神用昭感

嚴和

肅肅清廟赫赫玄猷功高萬古化奄十洲中興丕業上
荷天休祇奉先構禮備懷柔

昇和

顧惟菲薄纂歷應期中外同軌夷狄來思樂用崇德禮
以陳詞夕惕若厲欽奉弘基

虔和

禮標薦鬯肅事祠庭敬申如在敢託非馨

歆和

崇禋已備粢盛聿修潔誠斯展鍾石方道

承光舞

金相載穆玉裕重輝養德清禁承光紫微乾宮候色震
象增威監國方永賓天不歸孝友自衷溫文性與龍樓
正啓鶴駕斯舉丹宸流念鴻名式序中興考室永陳彝
俎

延和

巍巍累聖穆穆重光奄有區夏祚啓隆唐百蠻飲澤萬國來王本枝億載鼎祚逾長

同和

惟聖配天敷盛禮惟天為大闢洪名恭禋展敬光先德蘋藻申虔表志誠

寧和

炎馭失天

一作王

綱土德承天命英猷被寰宇懿躅隆邦

政七德已綏邊九夷咸底定景化覃遐邇深仁洽翔泳

恭和

禮周三獻樂闋九成肅承靈福悚惕兼盈

通和

祠容既畢仙座爰興停停鳳舉靄靄雲昇長隆寶運永
錫休徵福覃貽厥恩被黎蒸

昭和

道洽二儀交泰時休四寓和平環珮肅於庭實鍾石揚
乎頌聲

誠敬

顧惟菲質忝位椒宮虔奉蘋藻肅事神宗敢申誠絜庶
罄深衷睟容有裕靈享無窮

肅和

月禮已周雲和將變爰獻其醑載遷其奠明德逾隆非
馨是薦澤沾動植仁覃寓縣

昭感

鏗鏘韶護肅穆神容洪規赫赫詞典雍雍已周三獻將

乘六龍虔誠有託懇志無從

享太廟樂章

唐書樂志曰明皇開元七年享太廟樂迎神用永和皇帝行用太和

登歌酌瓊用肅和迎俎用雍和皇帝酌醴齊用

文舞獻宣皇帝用光大舞光皇帝用長發舞景

皇帝用大政舞元皇帝用大成舞高祖用大明

舞太宗用崇德舞高宗用鈞天舞中宗用大和

舞睿宗用景雲舞皇帝飲福受脤用福和送文

舞出迎武舞入用舒和亞獻終獻行事武舞用

凱安撤豆用登歌送神用永和按景皇帝舊用

大棊至是改用大政云樂章竝特進行尚書左

丞相燕回

公張說撰

永和三章

肅九室諧八音歌皇慕動神心禮宿設樂妙尋聲明備
裸奠臨

律迓氣音入玄依玉几御黼筵聆愜息俊周旋九韶遍
百福傳

信工祝永頌聲來祖考聽和平相百辟貢九瀛神休委
帝孝成

太和

時文聖后清廟肅邕致誠敬薦在貌思恭玉節肆夏金

鏘五鍾繩繩雲步穆穆天容

肅和

天子享孝工歌溥將躬裸鬱鬯乃焚膋鄰臭以達陰聲
以求陽奉時烝嘗永代不忘

雍和二章

在滌嘉豢麗碑敬牲角握之牲色純之駢火傳陽燧水
漑陰精太公胖俎傳說和羹

俎豆有馥粢盛絜豐亦有和羹既戒既平鼓鐘管磬肅

唱和鳴皇皇后祖來我思成

文舞

聖謩九德真言五千憲集昌曹符開帝先高文杖鉞克
配彼天三宗握鏡六合渙然帝其承祀率禮罔愆圖書
霧出日月清懸舞形德類詠論功傳黃龍蜿螭彩雲蹠
躡五行氣順八佾風宣介此百祿於皇萬年

光大舞

肅肅藝祖滔滔濬源有雄玉劍作鎮金門玄王昭緒后

稷謀孫肇禋九廟四海來尊

長發舞

具禮崇德備樂承風魏推幢主周贈司空不行而至無
成有終神興王業天歸帝功

大政舞

於赫元命權輿帝文天齊八柱地半三分宗廟觀德笙
鏞樂勲封唐之兆成天下君

大成舞

帝舞

一作符

季歷龍

一作龔

聖生昌后歌有嶠胎炎孕黃天

地合德日月齊光肅雝孝享祚我萬方

大明舞

赤精亂德四海困窮黃旗舉義三靈會同早望春雨雲
披大風溥天來祭高祖之功

崇德舞

皇合一德朝宗百神削平天地大拯生人上帝配食單
于八臣戎歌陳舞煜煜震震

鈞天舞

高皇邁道端拱無為化懷獯鬻兵賦

一作戢

句驪禮尊封

禪樂盛來儀合位媯后同稱伏羲

太和舞

退居江水鬱起丹陵禮物還舊朝章中興龍圖友及駿
命恭膺鳴球香瓊大禧是承

景雲舞

景雲霏爛告我帝符噫帝冲德與天為徒笙鏞遙遠

俎豆虛無春秋孝獻迴復此都

福和

備禮用樂崇親至尊誠通慈降敬徹愛存獻懷稱壽
感承恩皇帝孝德子孫千億大包天域長亘不極

舒和

六鍾翕協六變成八佾徜徉八風生樂九韶兮人神感
美七德兮天地清

凱安四章

瑟彼瑤爵亞惟上公室如屏氣門不容躬禮殷其本樂
執其中聖皇永慕天地幽通

禮匝三獻樂遍九成降循軒陛仰歆皇情福與仁合德
因孝明百年福位四海風行

總總干戚填填鼓鐘奮揚增氣坐作為容離若鷙鳥合
如戰龍萬方觀德肅肅雝雝

烈祖順三靈文宗威四海黃鉞誅羣盜朱旗掃多罪戢
兵天下安約法人心改大哉干羽意長見風雲在

登歌

止笙磬撤豆籩廓無響窅入玄主在室神在天情餘慕
禮罔愆喜黍稷屢豐年

永和

眇嘉樂授靈爽感若來思如往休氣散迴風上返寂寞
還惚恍懷靈駕結空想

享太廟樂章

唐書樂志曰代宗寶應已後續造享太廟樂章獻明皇用廣運之舞

肅宗用惟新之舞代宗用保大之舞德宗用文明之舞順宗用大順之舞憲宗用象德之舞穆

宗用和寧之舞武宗用大定之舞昭宗用咸寧之舞宣宗懿宗有舞詞而名不傳

廣運舞

司徒中書令汾陽王邠子儀撰

於赫皇祖昭明有融惟文之德惟武之功河海靜謐車書混同虔恭孝饗穆穆玄風

惟新舞

吏部尚書平章事彭城郡公劉晏撰

漢祚惟永神功中興風驅氛祲天覆黎蒸三光再朗庶績其凝重熙累洽景命是膺

保大舞

尚文邠子儀撰

於穆文考聖神昭章

蕭一作蕭

勺

清一作清

羣隱含光遠方萬

物茂遂九夷賓王悒悒雲韶德音不忘

文明舞

尚書左丞平章事鄭餘慶撰

開邸除暴時邁勛尊三元告命四極駿奔金枝翠葉輝
燭瑤琨象德億載貽慶湯孫

大順舞

中書侍郎平章事鄭絪撰

於穆時文受天明命允恭玄默化成理定出震嗣德應
乾傳聖猗歟緝熙千億流慶

象德舞

中書侍郎平章事段文昌撰

肅肅清廟登顯至德澤周八荒兵定四極生物咸遂羣盜滅息明聖欽承子孫千億

和寧舞

中書侍郎平章事牛僧孺撰

澠澠頎頎融昭德輝不紐不舒貫成九圍武烈文經敷施當宜纂堯付啟億萬熙熙

大定舞

門下侍郎平章事李回撰

受天明命敷佑下土化時以儉衛文以武氛消夷夏俗

臻往古億萬斯年刑于律呂

宣宗室舞

門下侍郎
夏侯孜撰

於鑠令主聖祚重昌興起教義申明典章俗尚素樸人
皆樂康積德可報流慶無疆

懿宗室舞

中書侍郎平
章事蕭倣撰

聖祚無疆慶傳樂章金枝繁茂玉葉延長海瀆常宴波
濤不揚汪汪美化垂範令王

咸寧

一作

舞

不詳
作者

於鑠丕嗣惟帝之光羽籥象德金石薦祥聖系無極景
命永昌神降上哲維天配長

御定全唐詩卷十三

欽定四庫全書薈要卷一萬七千四百十九 集部

御定全唐詩卷十四

郊廟歌辭

太清宮樂章

唐書禮儀志曰明皇開元二十年正月詔兩京諸州置玄元廟天寶

二年三月以西京玄元廟為太清宮其樂章降
仙聖奏煌煌登歌發爐奏冲和上香畢奏紫極
舞撤醮奏登歌送仙聖奏真和會要曰太清
宮薦獻聖祖玄元皇帝奏混成紫極之舞

煌煌

煌煌道宮肅肅太清禮光尊祖樂備充庭罄竭誠至希

夷降靈雲凝翠蓋風燄紅旌象真以從九奏初迎永惟
休祐是錫和平

冲和

虛無結思鐘磬和音歌以頌德香以達心禮殊裸鬻義
感昭臨雲車至止慶垂愔愔

香初上

肅肅我祖縣縣道宗至感潛達靈心暗通雲軒御氣芝
蓋隨風四時禋祀萬國來同

再上

仙宗績

一作績

道我李承天慶深虛極符光象先俗登仁

壽化闡螭涓五千貽範億萬斯年

終上

不宰元功無為上聖洪源長發誕受天命金奏迎真璇
宮展盛備禮周樂垂光儲慶

紫極舞

至道生元氣重圓法混成無為觀大象冲用體常名仙

樂臨丹闕雲車出玉京靈符百代應瑞節九貞迎寶運
開皇極天臨映太清長垂一德慶永庇萬方寧

序入破第一奏

真宗開妙理冲教統清虛化演無為日言昭有象初瑤
臺肅靈瑞金闕映仙居一奏三清樂長回八景輿

第二奏

虛極仙宗本希夷象帝先百靈朝太上萬法祖重圓善
貸惟冲德功成謂自然雲門達和氣思用合鈞天

第三奏

元符傳紫極寶祚啟高真道德先垂裕冲和已化淳人
風齊太古天瑞叶惟新仙樂清都上長明交泰辰

登歌

嚴禋展事理潔烝嘗皇矣聖祖德惟馨香盛薦既撤工
歌載揚大來之慶降福穰穰

真和

玉磬含香金爐既馥風馭泠泠雲壇肅肅杳歸大象霈

流嘉福俾寧萬邦無思不服

德明興聖廟樂章

唐書禮儀志曰明皇天寶二年三月追尊皋繇為德明皇

帝涼武昭王為興聖皇帝其廟樂第一迎神第二登歌奠幣第三迎俎第四酌獻第五亞獻終獻第六送神樂章竝

史部侍郎李舒撰

迎神

元尊九德佐堯光宅烈祖太宗方周作伯響懷霜露樂
變金石白雲清風鬋鬋來格

登歌奠幣

四時有典百事來祭尊祖奉宗嚴禋大帝禮先蒼壁奠
幣黜制於斯萬年熙成帝系

迎俎

盛牲實俎涓選休成鼎堪陽燧玉盥陰精有飴嘉豆既
和大羹侑以清樂細齊人情

德明酌獻

清廟奕奕和樂雍雍器尊犧象禮屬宗公白水方裸黃
流在中謨明之德萬古清風

興聖酌獻

闕宮靜謐合樂周張泰尊始獻百末重觴震澹存誠庶
幾廸嘗遙源之祚天漢靈長

亞獻終獻

惟清惟肅靡聞靡見舉備九成俛終三獻慶彰曼壽昨
徹嘉薦瘞玉埋牲禮神斯徧

送神

元精回復靈貺繁滋風灑蘭路雲搖桂旗高丘緬邈涼

部逶遲瞻望靡及纏綿永思

儀坤廟樂章

唐書樂志曰儀坤廟樂迎神用永和次金奏皇帝行用太和酌獻登

歌用肅和迎組用雍和肅明皇后室酌獻用昭升昭成皇后室酌獻用坤貞飲福用壽和送文舞出迎武舞入用行和武舞用安和撤組用雍和送神用永和

永和

散騎常侍昭文館學士徐彥伯作

猗若清廟肅肅熒熒國薦巖祀坤興淑靈有儿在室有樂在庭臨茲孝享百祿惟寧

金奏

不詳作者本無此章

陰靈效祉軒曜降精祥符淑氣慶集柔明瑤俎既列雕
桐發聲徽猷永遠比德皇英

太和

左諭德昭文館
學士丘說作

孝哉我后冲乎迺聖道映重華德輝文命慕深視篋情
殷撫鏡萬國移風兆人永慶

肅和

太子洗馬昭文館
學士張齊賢作

裸圭既濯鬱鬯既陳畫幕不雲舉黃流玉醇儀充獻酌禮
盛衆禋地察惟孝愉馬饗親

雍和

大中大夫昭文館
學士鄭惠玉作

酌鬱既灌薌蕭方蕪籩豆靜器

一作嘉

簋簋芬飶魚腊薦

美牲捨表潔是戢是將載迎載列

昭升

禮部尚書昭文
館學士薛稷作

陽靈配德陰魄昭升堯壇鳳下漢室龍興
倪天作對前旒是凝化行南國道盛西陵
造舟集灌無德而稱我粢既絜我禮既澄
陰陰靈廟光靈若憑德馨惟享孝思烝
烝

坤貞

不詳
作者

乾道既亨坤元以貞肅雍攸在輔佐斯成外睦九族內
光一庭克生睿哲祚我休明欽若徽範悠哉淑靈建茲
清宮于彼上京縮茅以獻絜粢惟馨實受其福期乎

一作

斯億齡

壽和

太子詹事崇文
館學士徐堅作

於穆清廟肅雍嚴祀合福受釐介以繁祉

舒和

銀青光祿大夫崇
文館學士胡雄作

送文迎武遞參差一始一終光聖儀四海生人歌有慶
千齡孝享肅無虧

安和

秘書少監崇文館
學士劉子玄作

妙算申帷幄神謀出廟庭兩階文物備七德武功成校
獵長楊苑屯軍細柳營將軍獻凱入歌舞溢重城

雍和

銀青光祿大夫崇文
館學士員外郎作

孝享云畢惟徹有章雲感玄羽風悽素商瞻望神座祇
戀匪遑禮終樂闋肅雍鏘鏘

永和

金紫光祿大夫崇文館學士祝欽明作

闕宮實實清廟微微降格無象馨香有依式昭纂慶方
融嗣徽明禋是享神保聿歸

儀坤廟樂章

唐書樂志曰太樂又有儀坤廟樂章與前畧同而有迎神送神二章

無徐彥伯祝欽明之詞

迎神

月靈降德坤元授光娥英比秀任如均芳瑤臺薦祉金
屋延祥迎神有樂歆此嘉薌

送神

玉帛儀大金絲奏廣靈應有孚冥徵不爽降彼休福歆
茲禋享送樂有章神麾其上

昭德皇后廟樂章

唐書樂志曰昭德皇后廟迎神用永和登歌酌鬯用肅和

迎俎用雍和酌獻用坤元飲福用壽和送文舞出迎武舞入用舒和武舞用凱安撤俎用雍和

送神用永和其詞內出

永和

穆清廟薦嚴禋昭禮備和樂新望靈光集元辰祚無極

享萬春

肅和

誠心達娛樂分升蕭管鬱氛氲茅既縮鬯既薰
後來思福如雲

雍和

我將我享盡明而誠載芬黍稷載滌犧牲懿矣元良萬
邦以貞心乎愛敬若覩容聲

坤元

於穆先后麗聖稱崇母臨萬宇道備六宮昌時協慶理
內成功殷薦明德傳芳國風

壽和

工祝致告徽音不遐酒醴咸旨馨香具嘉受釐獻祉永
慶邦家

舒和

金枝羽部徹清歌瑤臺肅穆笙磬羅諧音遍響合明意
萬類昭融靈應多

凱安

辰位列四星帝功參十亂進賢勤內輔扈蹕清多難承
天厚載均並耀宵光燦留徽萬前躅萬古披圖煥

雍和

公尸既起享禮載終稱歌進徹盡敬繇衷澤流惠下大
小咸同

永和

昭事終幽享餘移月御返仙居璇庭寂靈幄虛顧衷回

感皇儲

御定全唐詩卷十四

謹案卷十二第八頁後六行八發事施刊本變訛
音據郭茂甫樂府改

卷十三第二頁前三行濟哲維唐刊本濟訛容據
別本改


第十五頁後五行彭城郡公劉晏撰刊本晏訛宴
據唐書改

卷十四第五頁後六行太子洗馬昭文館學士刊
本館訛閣據唐書改

第七頁前四行神謀出廟度刊本出訛及據郭茂

備樂府改





總校官庶吉士 臣 張能照

校對官檢討 臣 龔大萬

騰錄監生 臣 杜 成